

Kalaallit Nunaanni eqqartuussinermi sulianik nalunaaruteqartarneq pillugu nalunaarut

Kalaallit Nunaanni eqqartuussisarnermi inatsimmi § 140, imm. 1, tak. inatsit pillugu nalunaarut nr. 1581, 13. december 2016-meersoq, naapertorlugu aalajangersarneqarpoq:

§ 1 Nalunaaruteqarneq allakkatut nalunaarutigineqassanersoq, allakkerivikkut nalunaarutigineqassanersoq, aggeqquissummik nalunaarutiginnittartoq aqqutigalugu nalunaarutigineqassanersoq imaluunniit oqarasuaatikkut nalunaarutigineqassanersoq naalunaaruteqarnissamik aallartitsisup aalajangertassavaa.

Imm. 2. Inuinnaat eqqartuussivik imalunniit politiit peqataatinngit taamaallaat allakkakuinnaq nalunaarutiginnissamik aallartitsisinnaapput.

§ 2 Allakkat ataatsit nalunaarutit nalunaarfigisamut tunniunneqassapput, ataaserlu alla nalunaaruteqarnissamik qinnuteqartumut piaartumik tunniunneqassaaq.

Imm. 2. Nalunaarut pineqartumut apuullugu tunniunneqarsimangippat nalunaarut tigusissamut tunniunneqartussa qullulugulu nalunaaqutarlu taallugu uppernarsaaserneqassaaq. Allakkat ataatsit nalunaaruteqarnissamik qinnuteqaateqartumut utertillugit tunniunneqartut aamma nalunaarfigineqartumut/-nut piffissamik sumiiffimillu tamatigit uppernarsaaserneqartassapput. Nalunaartoqarsimangippat kingusinaartoqarsimappalluunniit tamatumunnga pissutaasoq pineqartullu sumiissimanagera taaneqassapput. Aamma taakku taaneqassapput nalunaarut allamut tunniunneqarsimappat. Nalunaarutigineqartussap assilineru nalunaaruteqarnissamik qinnuteqartumut utertillugu tunniunneqartoq pisuni tamani piffissaq nalunaaruteqarfiusoq sumilu nalunaaruteqartoqarnersoq pillugu aammalu inuk inuilluunniit nalunaaruteqarfineqartut pillugit oqaaseqaateqartoqartassaaq.

§ 3 Nalunaarfigineqartussap oqarasuaataata normua, najugaa, sumiiffia suliffialuunniit pillugit paasisutissat pigineqartut tunngavigalugit nalunaarutoqarsinnaangippat aamma innuttaasut nalunaarsorsimaffiannut allanulluunniit

saaffiginninnikkut paasissutissanik nutaanik pissarsisoqarsinnaangippat paasissutissat taamaattut pissarsiarineqarnissaannut politiit qinnuigineqarnermikkut ikiuutissapput.

Imm. 2. Politiit misissuinerannut atatillugu nalunaarfigineqarsinnaasumik naapitsisinnaappata nalunaarnej politiit isumagissavaat.

Imm. 3. Nalunaarnissaq iluatsinngippat tamatuminnga nalunaaruteqarnissamik qinnuteqartoq piaartumik ilisimatinneqassaaq.

§ 4 Kalaallit Nunaanni Eqqartuussivimmik aamma Nunatta Eqqartuussisuuneqarfiani nunap eqqartuussisuuneranik isumaqatigiinniarnep kingorna ilitsersuut tunniunneqartoq atorlugu nalunaaruteqartarnermi maleruaqqusanik erseqqinnerusunik Politimesteri aalajangersaassaaq.

§ 5 Aatsisartut inatsimmi taaneqartunik aggeqqusissutinik ingerlassisut inummut nalunaarummik anngussivigineqartumut ataatsimut 34,76 kr.-inik aningaasarsissapput. Aggeqqusissummik aatsisoq anngussinngitsoorpat aningaasarsiassat taakku aamma tunniunneqassapput. Aatsiffigisaq najukkamut allamut nuussimappat maleruaqqusami oqaaseqatigiit siulliit aappaallu malillugit nutaamik aningaasarsititsisoqassaaq.

§ 6 Nalunaarut manna ulloq 1. april 2017 atuutilerpoq.

Imm. 2. Tamatuma peqatigisaanik Kalaallit Nunaanni eqqartuussinermi suliat pillugit nalunaaruteqartarnermik nalunaarut nr. 1357, 15. december 2009-meersoq atorunnaarsinneqarpoq.

Inatsisinik Atortitsinermut Ministeriaqarfik, ulloq 29. marts 2017

SØREN PAPE POULSEN

/ Anders Aagaard